

(a) Archiv. Statuum Austriae num. 3418. (b) Ibi num. 3439. (c) Ibi num. 3605. (d) Document. Rogendorff. (e) Docum. Wurmbbrandian. (f) MSC. Kainachian.

## CAPUT XXXIV.

## COMITES DE HOHENFELD.

Otto de Hohenfeld Illustris hujus stirpis propago Uxorem N. de Simmaningen in matrimonio habuit, & Anno 1320. ad plures abiit, in templo ad St. Georgium in Attergovia, humatus, monumenti inscriptio hunc in sensum concepta est;

Hie ligt begraben Otto Hohensfelder / Stifter und alle Hohensfelder / da man zahlt von Christi Geburt M. CCC. XX. (a)

Filium genuit Rudigerum sive Rugerum qui Anno 1320. Annam Schvveinthalerin in matrimonio habuit ex qua Ottonem secundum & Rudigerum secundum sustulit. Hic Gertrudem Nobilem foeminam, cujus Stemma ignoratur, uxorem duxit, quæ post fata mariti Anno 1349. secundis nuptiis Conradum Juniorum ab Oed sibi junxit. (b) Otto secundus autem An: 1355. bona nonnulla Parochiali Ecclesiæ ad S. Georgium pro perpetuo sacrificio dicavit & Rudigerum tertium genuit, qui Anno 1350. die St. Nicolai Adelheidi Jörgeriæ Ulrici filia, secundæ uxori suæ (prima enim Anna Schönauerin fuerat) centum libras denariorum in pactis dotalibus constituit. (c) Dorothea Hohenfeldia Rugeri modò dicti & Adelheidis Jörgeriæ filia à Volckmaro de Perckheim in thorum adscita est, ab eoque Anno 1396. centum libras denariorum in tabulis nuptialibus promissas, accepit. (d) Margaretha Hohenfeldia Dorotheæ soror, Friderico Steinberger & post ejus fata Wilhelmo Aschacher elocata est. Contulit autem Parochiæ pagi St. Georgii sexaginta libras Anno 1436. mortalitatemque explevit Anno 1439. sepulta Salisburgi in templo St. Petro sacro. (e) Frater ejus Georgius de Hohenfeld à Georgio de Preising in Kabsperg & Barbara de Venningen Uxore ejus arcem Aisterheim Anno 1464. pretio acquisivit, quæ ex eo tempore in Hohenfeldiorum patrimonio mansit. (f) Wolfgangus Comes de Schaumberg Georgium illum Hohenfeldium Anno 1473. hostili impetu invasit, occupatoque castro Aistersheim muros ejus fregit graviaque damna intulit, ad quæ resarcienda Hohenfeldius coram Austriae Principe Comitem in jus vocavit. (g) Erasmus de Hohenfeld Ruperti filius ecclesiasticam vitam amplexus Canonici Passaviensis & Parochi